

[1]

**Sacratior Gratiarum trias sive
S. JOANNES NEPOMUCENUS
in basilica Lateranensi
D. Joanni Baptistae et Evangelistae sacra
gratioso litigio Sanctorum fastis adscriptus**

Scenice celebratus a Perillustri, Nobili, Praenobili ac Ingenua juventute
mediae classis grammaticae
Oppolii anno 1729, die ..., mense ...

FUNDAMENTUM

Veterana consuetudo supremos canonizandorum applausus Vaticanae D. Petri a seculis adscribebat. Aliud sibi arrogare visa est S. Joannis Nepomuceni apotheosis, quae oraculo pontificio (veluti consuetudine major) Laterano adjudicata ibique solenniter habita est. Ita fere nova de canonizatione,^a reliqua poësis.

PRAELUDIUM

In ectypo, gloriosae apotheosi destinato, Consuetudo Joannem Petrinum effingit et ita Vaticanae defert. Sed Lis Moldavae suffragio gratiosum probat, et pro Lateranis Gratiis ut debitum sacratioris numeri complementum eripiendum censens, repressa Consuetudine justam Gratiarum sedem exhibet.

ACTUS I.

SCENA I.

Innocentia, Taciturnitas et Amor patriae Bohemiam ferventioribus stimulis incitant, ut Joanneum ectypon pro imminente solennitate ad Vaticanam deferat.

SCENA II.

Simultas, Invidia, Detractio et Arrogantia, futura apotheosi excruciatæ, technas cogitant, ut vel moram injiciant.

SCENA III.

Discussis adversantium dolis properat Bohemia cum asseclis efformatum authore Zelo iconismum Vaticanae pro more praesentare.

^a Rozhodnutí komise kardinálů o kanonizaci Jana Nepomuckého z 15. 2. schválil papež následujícího dne. Cf. *Decretum Pragense canonizationis B. Joannis Nepomuceni, Canonici ecclesiae metropolitanae Pragae*. NA ČR, APA I, sign. C 143/6, kart. 2234.

[2]

CHORUS

Properantem Consuetudinem praeter alia remorantur Gratiae.

ACTUS II.**SCENA I.**

Fama praetensionis ignara Lateranae obviat fidenterque aperit, quid de Joannea apotheosi moliatur Bohemia, sed mox ut juris alieni rea repellitur.

SCENA II.

Simultas cum corrivalibus delusas fraudes cumulatis fraudibus ulcisci parat.

SCENA III.

Interim Bohemiae concepta vota maturanti ex improvise venit in occursum Laterana cum gratiosis Protectoribus, et asserta pro se negotii summa, casso conatu Consuetudinem occinentem ad Litem provocat.

SCENA IV.

Clientelaris cohors ad Vaticanam properat, munera pro Joannea solennitate data, sed intellecta lite moesta revertitur.

CHORUS

Vaticana in Petro lachrimis innatat, ereptam sibi Gratiam deplorans.

ACTUS III.**SCENA I.**

Detractio falso rumore ex Simultate intelligit actum esse de Joannea apotheosi, cujus ergo genialem diem instituit.

SCENA II.

Laterana vero secundum votorum successum gaudens Gratiis promulgat litemque calculo Pontificio sibi acciduam asserit.

SCENA III.

Unde decretum valvis publicandum imperat, quod inimicos in furorem, Vaticanam in lachrimas agit.


SCENA IV.

Tandem Bohemia cum suo comitatu Joannis ectypon Laterano defert, quod ejusdem Protectores gratulabundi festivos inter sonos acceptant.

EPILOGUS

Detriumphata Consuetudine Joanneum ectypon ut debitum Gratiarum complementum triumphali pompa Gratiae inter se constituunt, Lite triumphum accinente.

O. A. M. D. G.



Titulní list kanonizační buly *Christus Dominus*.